

三史拾遺

先師少詹事錢先生少耽乙部之書嘗博覽羣籍積數  
十季之心力撰廿二史攷異百卷以乾隆庚子歲五月  
槩成自爲序嗣後續有所得又撰史記兩漢書爲三史  
拾遺先師存日曾以副墨寄示先師捐館後又得見所  
撰諸史拾遺則自三國志以隸元史咸具皆所以補攷  
異之未備誠足爲讀史者之助也賡芸郡政之暇略加  
校勘版而行之用以嘉惠海內同志焉嘉慶十有二季  
歲次丁卯冬十月受業弟子李賡芸謹識

江寧吳仕達刻

稻香吟館琴本

三史拾遺卷一

嘉定錢大昕

史記

五帝本紀

依鬼神以制義正義云制古制字說文制从刀未聲  
依字當作勑隸變爲制或譌爲制則與帝旁相亂矣  
唐人不諳六書翻以爲古如顏籀以克爲古悅字不  
知爲荒之譌以懋爲古莎字不知爲懋之譌以餽爲  
古饒字不知爲饒之譌也

居郁夷曰湯谷索隱云史記舊本作湯谷今竝依尙書

字 太史公多識古文所引諸經與今本多異者皆  
出先秦古書後人校改漸失其真卽湯谷一條推之  
知舊本爲小司馬輩所更易者諒不少矣

殷本紀簡狄舊本作

易亦古文

鳥獸字微注尙書微作尾字說文云尾交接也 說文

無此文注有誤 段氏玉裁曰此仍用孔傳目文字

行

似恭漫天 卽書象恭滔天也孔傳訓滔爲漫與史記  
合韓退之詩唯解漫天作雪飛蓋出於此

於是以益爲朕虞 漢書百官公卿表益作朕虞地理

志爲舜朕虞與此文同蓋官名有朕字非單名虞也  
王莽改水衡都尉曰予虞亦放此

夏本紀

厥田斥鹵 上文已有海濱廣瀉句斥與瀉文異義同  
不當重出禹貢漢志皆無之此後人妄增也史記引  
禹貢厥皆作其此獨作厥亦其一證

其草惟夭其木惟喬 段氏玉裁曰兗州云草繇木條  
無其惟二字獨揚州有之蓋後人所增也漢書地理  
志兗揚一州皆無厥惟字

齒革羽毛注孔安國曰象牙犀皮鳥羽旄牛尾也正義

日鹵南夷常貢旄牛尾爲旌旗之飾書詩通謂之旌  
段氏玉裁曰荊州羽旄鹵革字正作旄此作毛淺  
人所改也

雲夢土爲治索隱曰雲土夢本二澤名韋昭曰雲土今  
爲縣今案地理志江夏有雲杜縣是其地 今索隱

單行本大書雲土夢二字蓋小司馬本土在夢上

漢

耿秉刊本正  
土在夢上

包匭菁茅注鄭元曰匭纏結也 案尚書疏吳都賦注  
引鄭注纏結上有猶字

浮於江沱滂於漢 今禹貢無下於字陸氏釋文云本

或作潛于漢非孔穎達正義云本或潛下有于誤目  
據此二文則古本禹貢本有于字於江沱潛爲句於  
漢又爲句陸誤以潛于漢爲句故云非目此亦段氏  
所說

浮於雒達於河 史公引禹貢皆改達爲通兗州云通  
於河青州云通於濟徐州云通於河揚州云通淮泗  
獨豫州云達於河此轉寫之誤

終南敷物素隱曰地理志云太一山古文以爲終南山  
欽本無 萼山古文以爲敷物皆在扶風武功縣東  
此山字

漢志本作塋山此云萼山者誤也然下文至於太萼



索隱亦云太萼卽敷物則真以萼山爲敷物矣水經  
萼山爲鹵嶽在恆農萼陰縣鹵南酈注云古文之博  
物山也小司馬似本此然萼山在恆農不在扶風詎  
可牽合爲一水經亦別有敷物山酈氏偶未檢照耳  
注徐廣曰從禹至桀十七君十四世駟案汲冢紀季曰  
有王與無王用歲四百七十一季矣 殷本紀注引  
汲冢紀季曰湯滅夏以至於受二十九王用歲四百  
九十六季也以今本紀季破之此二條皆在附注中  
相傳附注出沈約之手而梁書約傳不載其事隋經  
籍唐藝文志俱不言沈約有附注則流傳之說不足

據也裴氏生於休文之甫其注史記已引此文則注  
非休文所作益明白矣晉書束皙傳稱竹書之異云  
益干天位啟殺之史通引竹書云益爲后啟所誅見  
古雜說而今竹書云夏啟二季費侯伯益出就國六  
季伯益薨然則今本竹書出於宋以後人僞託信矣

周本紀

龍亾而棧在櫝而去之 去藏也俗作弄

子靈王泄心立 梁氏玉繩曰案晉語作大心周語韋  
注亦作大心疑此泄字誤大昕謂泄心卽世心也禮  
記雜記下泄柳之母死唐石經作世柳岳氏刊本亦

作世春秋三傳世與大多相通如樂大心作世心與此可互證夏本紀帝泄左傳疏引世紀作世蓋泄从世聲亦可讀如世

秦破韓魏并師武注戰國策曰秦敗魏將犀武於伊闕師犀聲相近

秦本紀

惠文君四季齊魏爲王十三季四月魏君爲王韓亦爲王案六國表惠文四季卽魏襄王元季齊宣王九季也表與世家俱書齊魏會徐州諸侯相王至十三季魏君爲王則魏世家無之表亦但書於秦不書於

魏此可疑也韓世家宣惠王十一季君號爲王衰則在十季當惠文王後二季較世家先一歲然與此紀十三季之文總不合此又可疑也

昭王四十四季攻韓南郡取之 南郡六國衰佗南陽破江陵之南郡楚地非韓地當以南陽爲是但昭王十六季拔韓宛城又魏冉封穰侯皆南陽郡地是南陽屬秦已久至昭王三十九季置南陽郡何以四十四季攻韓又取南陽蓋戰國時大郡或領十數城非一時所能盡拔秦雖置南陽尙未全有其地至是始悉取之如上黨亦韓郡桓惠王十季郡守馮亭以郡

降趙十四季爲秦所拔矣而二十六季又云秦拔我  
上黨亦其類也

始皇帝五十一季而崩 五當爲立秦王政二十六季  
始稱皇帝至三十七季而崩計爲帝十一季已誤

秦始皇本紀

蒙驁王齮庶公等爲將軍索隱云庶公蓋庶邑公史失  
其姓名 庶者其人之姓史失其名目漢有郡太守  
庶次公樂安相庶季公見孔廟禮器碑

將軍壁歿正義云言成嶠自殺于壁壘之內 壁者將  
軍之名蓋別是一人與上文成嶠初不相蒙注家牽

合爲一故愈不能了

李屯留蒲鶮反戮其屍注徐廣曰鶮一作鶮屯留蒲鶮  
皆地名壁于此地時士卒死者皆戮其屍 蒲鶮當  
是人姓名爲將軍部下李壁死而鶮反故加以戮屍  
之刑舊注牽台上文不足取

今襲號而金石刻辭不稱正義云尺證反 正義音非  
也稱當讀如字不稱二字連下始皇帝讀爲一句謂  
諸金石刻但稱皇帝不稱始皇帝則與後嗣所刻無  
別非所以尊始皇功德也納釋上下文義自了

項羽本紀

項羽自立爲鹵楚霸王九郡都彭城 貨殖傳自淮

北沛陳汝南南郡此鹵楚也彭城以東東海吳廣陵  
此東楚也衡山九江江南豫章長沙此南楚也據彼  
文似彭城是東楚非鹵楚羽既都彭城而東有吳會  
稽諸郡乃以鹵楚爲號者羽兼有梁楚地梁在楚鹵  
言鹵楚則梁地亦兼其中矣又據彼傳三楚之分大  
率以淮爲界淮北爲鹵楚淮南爲南楚唯東楚跨淮  
南北吳廣陵在淮之南東海在淮之北彭城亦在淮  
北而介乎東鹵之間故彭城以鹵可稱鹵楚彭城以  
東可稱東楚也

大司馬怒渡兵汜水注如漳曰汜音祀左傳曰鄙在鄭地汜案如音與今土人音正同其所引左傳則誤也僖廿四年傳王出適鄭處于汜杜注鄭南汜也在襄城縣南此卽所謂鄙在鄭地汜者續漢志襄城有汜城劉昭注亦以爲周襄王所處其字从巳音凡不當牽爲一地

### 高祖本紀

索隱云貞時打得班固泗水亭長古碑文其字分明作溫字云母溫氏貞與賈膺復徐彥伯魏奉古等執對反覆沈歎膺復當佗膺福先天二年爲右散騎常



侍昭文館學士以預太平公主逆謀誅

見唐書公主傳

今河

內縣有大雲寺碑卽膺福書也徐彥伯卒於開元二

季見唐書本傳案司馬貞張守節二人新舊唐書皆

無傳守節正義序稱開元二十四季八月殺青斯竟

而小司馬兩序不載誤述季月以此注驗之其與賈

徐諸公談議當在中睿之世計其季輩似在張守節

之肯也補史記序自題國子博士因文館學士唐制

因文館皆以它官兼領五品以上爲學士六品以下

曰直學士國子博士係正五品上故得學士之稱神

龍以後避孝敬皇帝諱或稱昭文或稱修文開元七

季仍爲宏文小司馬充學士蓋在開元七季以後也  
唐書劉知幾傳開元初嘗議孝經鄭氏學非康成注  
當以古文爲正易無子夏傳老子書無河上公注請  
存王弼學宰相宋璟等不然其論奏與諸儒質辨博  
士司馬貞等阿意其黜其言請二家兼行唯子夏易  
傳請罷詔可又破唐書藝文志稱貞開元潤州別駕  
蓋由文館出爲別駕遂贈證以終也

常從王媼武負貫酒索隱云說文云貫貸也臨淮有貫  
陽縣漢書功臣表貫陽侯劉纒而此紀佗射陽則貫  
亦射也 今漢書功臣表亦佗射陽師古云字或佗

賁者後人改也據小司馬說則漢表元是賁陽師古  
改爲射目臨淮有賁陽縣句亦引說文今世所行說  
文無此語疑後人以地理志無此縣而芟之耳

別將司馬尼 耿本尼伦尼曹參世家同案漢書小顏  
注云尼古夷字則耿本是也

立子恆以爲代王 高帝紀於孝惠不書名文帝紀於  
景帝不書名乃文帝名再見於高祖紀一見於呂后  
紀此必後人所加景帝紀四季立皇子徹爲膠東王  
七季立膠東王爲皇太子名徹亦後人所加諸侯季  
表高祖十一季復置代二月丙子初王元季十八爲

文帝

文帝紀子某最長請建以爲太子此史公避諱之例高祖紀當先書立子某爲代王其後云次

代王已立爲孝文帝不必更舉名也

孝景南四季四月乙巳初王元季

四立爲太子俱不書名

此據欽本也它本初王下有短字元季有高祖子與諸王

無別蓋後人妄增惟漳熙本不誤然諸紀亦皆與今本同

### 孝景本紀

二季秋熒惑逆行守北辰月出北辰間 月五星出入

黃道間必無失行而守北辰之理予意辰當爲戌之

諛漢書天文志東井鹵曲星曰戌北北河南南河火

守南北河兵起又云元封中星孛于河戌占曰南戌

爲越門北戌爲胡門

今本戌作戌誤

蓋北戌與黃道相近故

熒惑得守之而月行亦或出入其間也

十二諸侯季婁

及如荀卿孟子公孫固韓非之徒索隱云宋有公孫固無所述此蓋齊人韓固傳詩者也 梁氏玉繩曰傳詩者韓嬰韓固不得嫁名於公孫固破漢藝文志儒家有公孫固一篇十八章齊閔王失國問之因爲陳古今成敗也

六國婁

秦始皇二十八季爲阿房宮 耿本房佗旁二世元季

就阿房宮同

高祖功臣侯季表

陽都侯丁復 拜爲將軍忠臣侯 忠臣非官號古書

忠與中通韓增幼爲忠臣調中朝親近之臣也此忠臣義亦同酷吏傳景帝謂郅都忠臣欲釋之竇太后曰臨江王獨非忠臣乎亦是此義

衍侯翟盱 梁氏玉繩口水經注卷七云封印縣南燕之延鄉也其在春秋爲長邱漢高帝封翟盱又藝文類聚引陳畱風俗傳云高祖與項氏戰于延鄉有翟母免其難故以延鄉爲封印以封翟母此侯翟盱必翟母之子也

惠景閒侯者季婁

楊虛 恭侯劉將廬元季 盧氏文昭曰恭侯乃楊邱

侯劉安之謚將廬則齊孝王也下文將廬爲齊王下

有有罪國除四字此亦陽邱恭侯子偃事誤綴於此

大昕案索隱單行本楊虛之下本有楊邱侯劉平一

人漢婁轉寫脫漏錯入此格文又不完目

歷書

日得甲子正義云滿九百三十八分成一日 史記甲

子篇推天正朔以九百四十分爲一日乾鑿度四分

術同此云九百三十八者誤也

正北 謂太初元季天正冬至加時在子

十二 謂是歲十二个月無閏

無大餘 謂是季天正甲子朔

無小餘 謂合朔加時在夜半

無大餘 謂冬至與朔同日

無小餘 謂冬至加時亦在夜半

焉逢攝提格太初元季 是季天正至朔皆無大小餘

故爲元管自正北以下六事皆屬此季故再題歲名以識之

十二 此下五事皆屬次季刊本以此一字係於太初





三也當別爲一行刊本係於二季之下則似太初二季已有閏矣後凡書十二書閏十三者皆誤係於歲一季

正鹵 謂始元二季冬至與朔同日加時在酉也刊本誤係於始元元季之下

正南 謂地節四季冬至與朔同日加時在午也刊本誤係於三季之下

正東 謂初元二季冬至與朔同日加時在卯也刊本誤係於初元元季之下

祝犁大荒落四季 自太初元季至此凡七十六歲古

術家以十九歲爲一章七十六歲爲一節太初冬至日得甲子所謂甲子節也至是歲而一節終其明季入癸卯節加時亦在正北至朔皆無小餘惟大餘同爲三十九日

右歷書大餘者日也小餘者月也 案本書自太初元季至建始四季每季再舉大餘小餘之數肯之大餘小餘推天正經朔所用後之大餘小餘推冬至所用也十干十二支相配以紀日六十而周不滿六十謂之大餘故云大餘者日也然而中節朔晦不皆當夜半子時於是分一日爲若干分謂之日泐不滿泐謂

之小餘以課加時之早晚推正朔以九百四十爲三  
泐故小餘有多至九百卅一者推冬至則以卅二爲  
日泐故小餘多者不過廿四兩小餘雖有多寡之殊  
要爲加時而設則其理不異依文當云小餘者時也  
今本佗月乃傳寫之誤小司馬謂十二月餘此三百  
四十八數故云小餘者月然天正之小餘調生於月  
可也冬至之小餘調出於月可乎蓋唐本已譌小司  
馬不能是正軌曲傳會不知其終不能合也

天官書

旁有兩星曰杓索隱云杓音其炎反 漢志亦佗杓或

據小司馬引元命包鉤鈴兩星語輒故爲鈴非也

尾爲九子曰君臣斥絕不和 王孝廉曰尾主後宮君

臣疑羣姬之譌

賡芸謹案孝廉不知何名

西宮咸池曰天五潢五潢五帝車舍 淮南天文訓斗

杓爲小歲正月建寅月從左行十二辰咸池爲大歲

二月建卯月從右行四仲終而復始蓋斗爲帝車有

運轉之象咸池以五車爲匡衛亦有運行之象故古

人指其所建以定四時古書言咸池者皆兼五潢五

車三柱言之故史公以咸池爲五帝車舍春秋元命

包云咸池主五穀其星五者各有所職然則五車卽

咸池也後人析爲數名僅以小三星當咸池而淮南  
太史公書遂不能通矣史公以紫宮房心權衡咸池  
虛危爲天之五官坐位豈專指三小星而言哉洪景  
伯謂咸池每歲自卯逆行四仲經星隨璇璣之運不  
可離其次周流四仲當是其神爾洪亦未解五車隨  
天轉運昏旦易方各有所指故也參爲白虎在西南  
未申之隅不當西方正位故史漢不以表西方諸宿  
或疑西宮下當有白虎字非也漢儒說易以兌爲虎  
虞仲翔斥爲俗儒獨以坤爲虎蓋依天象而言

曰西方秋司兵月行及天矢 司兵以下七字疑衍以

木火土水四星例之可見

楚唐昧正義云莫遏反 屈原傳諸侯其擊楚大破之  
殺其將唐昧正義音莫葛反卽其人也漢書古今人  
表續漢書天文志竝佗唐蔑古書蔑與昧通昧當爲  
昧之譌春秋公及邾儀父盟于蔑晉先蔑奔秦公穀  
皆佗昧說文昧目不明也蔑勞目亾精也蔑字从苜  
首讀如末後人不通六書改爲昧爽之昧失其舊矣

封禪書

上卑目之山集解韋昭曰卑目卽齊語所謂辟目 卑  
辟聲相近

南伐至召陵登熊耳山以望江漢索隱云順陽益陽二  
縣東北有熊耳山東西各一峯如熊耳狀因以爲名  
齊桓公太史公竝登之或云恆農熊耳非也 益陽  
屬長沙國與順陽相去甚遠當有舛譌檢漢志小顏  
注亦云熊耳山在順陽北益陽縣東未知其審水經  
注均水發源恆農郡之盧氏縣熊耳山山南卽修陽  
葛陽二縣界也縣卽析之北鄉故言出析縣北也魏  
岐地形志析州修陽郡領修陽益陽二縣則此注益  
陽乃益陽之誤耳蓋葛聲相近故酈注作葛陽

岳山注徐廣曰武功縣有大壺山又有岳山 梁氏玉



繩曰岳乃塋字之誤以形近致譌目地理志右扶風武功縣太一山古文以爲終南塋山古文以爲敦物徐所見史記本是塋山今本誤作岳并注中太壹亦誤爲大壺矣

吳岳注徐廣曰在汧索隱云徐說非也案地理志汧有塋山無岳山漢志汧縣有吳山卽此吳岳故徐以爲在汧若塋山自在武功不在汧小司馬之讀漢書亦太不子納矣

秦巫祠杜主巫保族鬯之屬族鬯蓋疾疫之神說文瘞小腫也一日族彘彘與鬯同六畜病曰瘞彘亦卽

族系之轉胥

若人冠纒然 纒與冕同

平準書

夏令民鑄錢索隱云顧氏案古今注云秦錢半兩徑寸  
二分重十二銖 小司馬於此篇屢引顧氏說唐書

藝文志有顧允漢書古今集義二十卷 侗謹案隋

經籍志有顧烜錢譜一卷崇文總目有顧協泉譜一

卷協字正禮吳人梁書南史皆有傳索隱於平準書

屢引顧氏說竝論錢布之制當是烜協兩家譜文

凡直三十餘萬金索隱云大顏云一金萬錢也 案唐

書藝文志有顏游秦漢書決疑十二卷游秦爲師古叔父故稱大顏以別之史稱師古注漢書多資取其義而敘例及注初不見游秦之名蓋師古竊寫諸父撰述攘爲己有較之郭象注莊罪又甚焉賴小司馬索隱稱一引用之

封禪書郭陽李廣貨殖傳索隱亦引大顏說

吳太伯世家

大而婉 索隱單行本伦大而寬注云寬宜讀爲婉今本伦婉乃後人依左氏傳輒改耳

燕召公世家

惠公多寵姬公欲去諸大夫而立寵姬宋大夫共誅姬

宋索隱曰宋其名或佗宗 梁氏玉繩曰三姬字必  
臣之誤卽季表所稱季臣也寵姬何可爲大夫立寵  
姬又何必去諸大夫且妾之稱姬非當時語大所謂  
依或本佗宗亦通

衛康叔世家

子督公訓立索隱云訓亦佗馴系本佗聖公馳 廣韻  
引風俗通云聖者督也是聖卽督矣周禮地官土訓  
鄭司農讀爲馴五帝紀五品不訓後漢書鄧禹周舉  
傳皆佗不馴訓馴古通用字馳蓋馴之譌

宋微子世家

王旨惟歲 尚書佗省案春秋肆大書公羊佗省

遂以局殺潛公于蒙澤 徐榘中論法象篇宋鼓碎晉

於棋局蓋用此事鼓當佗慙與閔通

晉世家

呂省卻芮 呂省卽呂甥甥省聲相通

秦軍河上將入王 入王者納王也

荀躒 說文無躒字左傳晉大夫輔躒說文引佗趨此

荀躒名从木旁史公多識古文而今本左傳乃杜元

凱所定荀躒之名當從史記爲正今趙世家作躒則

後人據左傳妄改猶季改之不盡百

楚世家

欲殺其弟惲 惲成王名春秋左氏佗頽公毅佗髡鄭

世家釐公亦名惲而左氏佗髡頽公毅佗髡原

毅梁釋文

髡或佗類蓋頽髡古通用而惲亦以音近假借也說文頽

頭頽也未詳其義而別有頽字云無髮也正與髡義同是頽頽亦相通矣

趙世家

左師觸龍言願見太后 梁氏玉繩曰此與古今人表

皆佗觸龍而戰國策佗警破說苑敬慎篇言桀臣有觸龍荀子臣遺議兵篇言紂臣有曹觸龍韓詩外傳

亦云曹觸龍之於紂漢高祖功臣表有臨轅侯戚觸  
龍惠景功臣表有山都侯王觸龍古人多以觸龍名  
者則趙左師不當作讎矣

孔子世家

魯襄公二十二季而孔子生索隱曰公羊傳襄公二十  
一季十有一月庚子孔子生今以爲二十二季蓋以  
周正十一月屬明季故誤也後序孔子卒云七十二  
歲每少一歲也 案左氏傳於哀十六季書孔子卒  
而不書生季公羊云二十一季十一月庚子生穀梁  
云二十季十月庚子生史記則云二十二季而無月

日攷賈逵注左傳於襄二十一年云此季仲尼生也  
昭二十四季服虔注引賈逵說云仲尼時季三十五  
是漢儒皆以孔子生在襄廿一年也是季經書十月  
庚辰朔則十一月無庚子日子以三統術推之襄公  
廿一年十月己卯朔庚子月廿二日也是爲宣尼生  
之日季從公羊月從穀梁與賈服說亦合自是季已  
酉至哀十六季壬戌實季七十有四

孔子季七十三以曆哀公十六季四月己丑卒索隱云  
若孔子以魯襄二十一年生至哀十六季爲七十三  
若襄二十二季生則孔子季七十二經傳生季不定



使夫子壽數不明 按自襄廿二季至哀十六季恰是七十有三歲小司馬何於此致疑乎據前注每少一歲之文則索隱本實是七十二故於此疑而不決然謂襄廿一季至哀十六季爲七十三襄廿二季至哀十六季爲七十二則皆少一算豈泥於周正十一月屬明季之見邪

陳涉世家

柱國曰秦未亾而誅趙王將相家屬此生一也 也不如因而立之 此語又見張巨陳餘傳彼云相國房君此云柱國其實一人巨兩篇詞意相同者凡二百餘

言班孟堅亦因而未削

陳勝葬碭諡曰隱王 此諡當是呂臣等所上史家僂

文終言之目

曹參世家

擊魏王於曲陽追至武垣注徐廣曰河東有垣縣 梁氏玉繩曰曲陽乃陽曲之誤太原陽曲縣也陽曲抵垣不甚遠是以追及之武字衍

陳丞相世家

賜金二十溢 溢古鑑字說文無鑑

孫子吳起列傳

君不若引兵走大梁 案魏世家此事在魏惠王十  
入季而魏之徙都大梁乃在惠王卅一季則其時大  
梁未爲魏都也下文齊使田忌將而往直走大梁誤  
與此同通鑑於此二條皆改爲魏都不云大梁蓋覺  
其語不相應也

齊軍旣已過而鹵矣 閻百詩謂此句不可解過而鹵  
當云還而東傳寫之譌蓋因上文已云直走大梁而  
馬陵卻在大梁之東遂意揣以爲有誤爾大昕謂齊  
軍揚言直走大梁非真抵大梁也及龐涓棄韓而歸  
孫臏軍始過齊竟鹵入魏竟故滅竈以誤之若先已

抵大梁而退則入魏地不止三日毋庸施滅竈之計  
矣先下直走大梁之令使彼速歸以疲之繼則滅竈  
以示怯使彼驕而不設備此孫臏所以致勝而史公  
敘事委曲詳盡粗心人固未能解也

商君傳

一救荆國之禍索隱云十二諸侯季表穆公二十八季  
會晉伐楚朝周此云救荆未聞 秦穆公之時楚未  
有禍秦亦無救楚事趙良所云救荆禍者即指城濮  
之役也是時楚方圍宋宋人告急于晉晉先軫使宋  
舍我而賂齊秦則亦告急于秦矣城濮之役秦助晉

破楚以紆宋禍此百里奚相秦實事其云救荊禍者  
謂宋有荊禍而秦救之非謂荊國有禍也

蘇秦傳

夫衡人日夜務以秦權恐謁諸侯 謁當作獨或作喝  
下文恫疑虛喝索隱云本亦作獨與此義同漢書王  
子侯表葛魁侯戚坐縛家吏恐獨受昧棄市平城侯  
禮坐恐獨取雞以合買償免籍陽侯顯坐恐獨國民  
取財物免恐獨猶今人言恐嚇

塞鄙阨正義云申州羅山縣本漢郾縣申州有平清關  
蓋古郾縣之阨塞 平清關卽今平靖關春秋傳之

甗隄也甗隄之名由來久矣漢置甗縣當因甗隄得名正義以鄆隄爲古鄆縣之隄塞非是

王翦傳

李信攻平與蒙恬攻寢大破荊軍信又攻鄆鄆破之鄆鄆楚之舊都秦昭王時白起拔鄆及鄆以鄆爲南郡楚王徙都陳其後又自陳徙壽春安得更有鄆鄆之地乎此鄆鄆蓋卽陳地楚旣都陳仍稱陳爲鄆猶晉遷新田之後卽稱新田爲絳曰

廉頗藺相如傳

趙奢曰胥後令邯鄲索隱云邯鄲二字當爲欲戰小

司馬改邯鄲爲欲戰屬下句讀文義雖通終是臆斷  
胡三省以膏爲一句後令邯鄲爲一句謂敢諫者夙  
邯鄲之令日今卽進軍近關與矣不當用邯鄲之令  
以殺之故曰後令邯鄲也大所謂胥後令邯鄲五字  
當佗一句讀邯鄲趙王所都言當待趙王之令日趙  
奢出令時已去邯鄲卅里矣豈得云邯鄲之令邪胡  
說亦未確

屈原列傳

不獲世之滋垢 滋與茲同說文茲黑也春秋傳日何  
故使吾水茲

受物之汶汶者乎索隱云汶汶音門門猶昏暗不明也  
案古音輕唇字皆讀重唇今粵東人讀文如門其  
楚騷之遺乎

張丞相蒼傳

匡君爲御史大夫歲餘韋丞相死匡君代爲丞相下  
文云匡君居之未滿歲與此云歲餘不合攷漢表建  
昭二季八月匡衡爲御史大夫三季六月丞相元成  
薨七月衡爲丞相是衡在御史大夫任實未滿歲此  
云歲餘者誤也

諸爲大夫而丞相次也其心冀季丞相物故也 自張



蒼而後丞相不由御史大夫者竇嬰田蚡薛澤以列  
侯許昌以太常趙周以太子太傅公孫賀以太僕劉  
屈箠以涿郡太守田千秋以大鴻臚韋賢以長信少  
府王商以右將軍張禹以光祿大夫僅十一人巨嚴  
青翟翟方進孔光雖由佗官拜相然皆前御史大夫  
也御史大夫皆由見任九卿及前九卿拜惟卜式以  
齊相延廣以膠東太守王慶以濟南太守暴勝之以  
光祿大夫丙吉以太子太傅尹忠以光祿大夫此六  
人者史不言嘗歷九卿

張釋之馮唐列傳

一人犯罪當罰金 此漢律文也二人以上則罪當加等漢書佗此人於義爲短

吳王濞列傳

吳太子師傅皆楚人輕悍 吳太子之師傅當是吳人而史稱楚人者戰國時吳越地皆并於楚漢初承項羽之後吳會稽皆項羽故地故上文云上患吳會稽輕悍此亦云楚人輕悍也朱買臣吳人而史稱楚士與此傳同

歲時存問茂材 案漢初本稱秀才東京避光武諱乃稱茂才史記賈生傳知其秀才儒林傳有秀才異等

輒以名聞此當時本稱也此傳茂才字蓋後人依班  
史妄改

將軍欒布擊齊 案七國起兵齊未嘗同反而史稱擊  
齊者濟南菑川膠東膠西皆故齊地言齊可以該四  
國非謂擊齊王也功臣表亦云布以將軍擊齊有功  
蓋據當時文簿之詞

魏其武安侯列傳

韓御史良久 上言韓御史大夫此言御史省文也

李將軍列傳

令長史封書與廣之莫府曰急詣部如書 如書猶言

如律令也儒林傳請著功令它如律令漢書朱博傳  
博口占檄文末云如律令

南越尉佗列傳

秦時已并天下昭定揚越置桂林南海象郡以謫徙民  
與越雜處十三歲注徐廣曰秦并天下至二世元年  
十三季并天下八歲乃平越至二世元年六季自

案秦始皇紀收南海三郡在卅三季距初并天下凡  
八歲故徐氏引以爲說自據此傳十三歲之文則始  
皇廿六季平楚之後卽已置郡徙民實其地矣竊意  
秦初置南海三郡特因其君長使治之其後使尉屠

三五 卷一  
三三  
雖略取其地黜其君長自置官吏則在卅三季日徐  
氏所說於當時情事恐未盡

出桂陽下滙水注案地理志桂陽有滙水通四會或作  
淮 滙當作滙說文滙水出桂陽縣盧谿山滙蒲關  
从水隄聲

東越列傳

今諸校屯豫章梅嶺索隱曰今豫章三十里有梅嶺在  
供崔山 供崔當爲洪崖之譌

淮南衡山列傳

以令名男子若振女徐廣曰西京賦振子萬童駟案辭

綜曰振子童男女 案文選西京賦及注皆作振子  
說文無振字唯振字下一曰官婢女隸謂之振字林  
振蒼馬者見廣韻十七真振字字林始有之當從史記作振  
爲是

汲黯列傳

濮陽假宏始事蓋侯信信任宏宏亦再至九卿索隱云  
案漢書佗段宏 漢書公卿表未見段宏名惟元朔  
五季有中尉殷容殷字近段容字近宏或卽其人乎  
國除爲九江郡注徐廣曰又爲六安國以陳縣爲都  
陳縣爲淮陽國都六安不得有其地此必傳寫之譌

又據漢志六安國乃衡山故地此注云云當在衡山  
王傳末國除爲衡山郡之下

酷吏傳

惡能勝其任而愉快乎 漢書愉佗媮小顏云媮苟且  
也說文愉薄也媮巧黠也意本相近愉快謂媮爲一  
時之快非帝王之善治後人佗愉說解失其意矣

湯爲御史大夫七歲貶 案漢書公卿表元狩三季三  
月張湯爲御史大夫六季有罪自殺元鼎二季三月  
石慶爲御史大夫是湯居位尚不滿六歲安得云七  
歲乎史公將相名臣表繫御史大夫湯名於元狩二

季則首尾已涉七歲故云七歲班史於湯傳亦承用  
史公舊文卻與本表自相牴牾

王溫舒 其頗不得失之旁郡國黎來 黎來漢書佗

追求當從之小司馬訓黎爲比恐未然新刊本來作  
求歐蔡本佗

張湯以知陰陽人主與俱上下 陰陽當從漢書佗阿

邑阿邑猶言媠嬰也媠嬰見  
說文 邑媠聲相近小顏謂邑

本或作色此傳寫之謬

佞幸列傳

顧見其衣袷帶後穿索隱云袷衫襦之橫者 說文袷



背縫小司馬說非也

貨殖傳

龍門碣石正義曰龍門山在徐州龍門縣 徐州無龍門縣唐書地理志河中府龍門縣武德二年徙秦州來治貞觀十七年州廢縣隸絳州元和初來屬則徐當爲絳之誤

之陶爲朱公正義曰括地志云卽陶山在齊州平陽縣東三十五里陶山之陽也 齊州無平陽縣陽當爲陵之譌

正義論例

又一字三四音者同聲異喚一處共發恐難辨別故略  
舉四十二字 今案張所舉者畜從數傳卒辟施閒  
射夏復重適汜樂覆恐惡斷解幾過幸屈上王長籟  
培勝難使相沈任棺造妻費止卅九字

汜音祀水在成皋又音凡邑名在襄城又孚劔反爲水  
在定陶高帝卽位處又音夷楚人呼土爲汜橋 案  
音祀者當从巳音凡與孚劔反則當从己兩字形聲  
俱別張氏以爲同字異音誤也其讀如夷者本是圮  
字借用水旁之汜耳

集解序

正義云史記五十二萬六千五百言序二千四百一十  
二季事漢書八十一萬言敘二百二十五季事案  
晉書張輔傳嘗論班固司馬遷云遷敘三千季事唯  
五十萬言班固敘三百季事乃八十萬言煩省不同  
張守節之言蓋出於此然張輔所舉季數但約舉之  
詞守節直謂史記起黃帝訖漢武天漢四季合二千  
四百一十三季其說一見于論例再見于此注然史  
記季表始自共和自共和庚申至天漢四季甲申可  
攷者僅七百四十五季自共和以上季數史公所未  
論次後人何以鑿鑿言之乎今姑據裴氏集解所引

諸說敘次之黃帝在位百季顓頊七十八季帝嚳七

十季

皆皇甫  
謚說

堯九十八季舜三十九季

本紀

夏四百

七十一季殷四百九十六季

皆汲冢  
紀季說

周八百六十七

季

皇甫  
謚說

周亾至漢元鼎戊辰一百四十四季

徐廣自

元鼎至天漢四季又十六季是爲二千三百七十九

季較正義少三十四算劉恕通鑑外紀黃帝元季起

丁亥在位一百季少昊八十四季顓頊七十八季帝

嚳七十季帝嚳九季堯一百季舜五十季夏四百卅

二季殷六百廿九季周八百六十七季依此算至天

漢甲申凡二千五百七十八季較正義多一百六十

五算

附宋本跋二篇

右太史公史記采錄先秦古書及秦漢閒事其文雅  
奧簡古至有難句者讀之當紬繹再四玩味淡思方  
見其義趣不然則直以爲淡薄無味如魏文侯之聽  
古樂意欲坐睡耳是以讀之者殊鮮解詁訓釋世有  
其人第皆疎略未能詳盡惟唐小司馬氏用新意撰  
索隱所得爲多至有不可解者引援開釋明白每悞  
其書單行於披閱殊未便比得蜀本併與其本書集  
而刊之良愜意意欲坐模與南方學者其未暇也

來桐川踰季郡事頗暇一日與友人沈伯永語及前  
代史則以爲先秦古書以來未有若太史公之奇傑  
班孟堅已不逮而況其餘乎因搜笥中書蜀所刊小  
字者偶隨來遂令中字書刊之用功凡七十輩越肇  
始四月望迄六月終告成伯永請予序予謂太史公  
書安敢序當書歲月識目錄後可也然其間有刪削  
是正者不可不書舊注謂十篇有錄無書後褚少孫  
追補之其文猥妄不經蕪穢至不可讀每翻閱至此  
輒敗人意不知何人遽續而傳之凡少孫所書者今  
皆刪門之然其間亦有可喜如日者傳則大類莊周

書意其口本書之殘缺者少孫因以附益今則以注  
字別之或可見其遺意又如伯夷孟子張蒼倉公魏  
其貨殖自序之類蓋其一篇之文接連回複不可斷  
絕安可段節起題以碎亂其文今皆連書以歸其元  
或謂太史公取尚書語輒更定以爲非是予謂不然  
書雖經孔子所定然其文皆史官所記故唐虞三代  
之書語皆不類則非一人之伦可知矣一代之事必  
有一代之史安可必其同哉太史公邁往之氣度越  
前古意欲自成一家之言故取書所載訓釋其義而  
定以今言若悉如書之語則曰不類故特裁正而不

辭益更易舊史官之書非遽變孔氏之書也尙何議  
子平時讀史記所見如是故併書之淳熙丙申立秋  
日廣漢張杆謹書

淳熙丙申郡守張介仲刊太史公書於郡齋凡楮少  
孫所續悉削去尊正史也學者謂非全書懷不滿意  
且病其訛舛越二季趙山甫守郡取所削別刊爲一  
帙示不敢專而觀者復以卷第不相入覽究非便置  
而弗印始成棄物信乎流俗染人之深尊而正之如  
是其難然星之於月其不侔亦昭昭矣屏之使不得  
竝歆若附之其旁則小大較然不其愈尊乎別以所



續從其卷第而附入之兩存其版俾學者自擇焉其  
訛謬重脫因爲是正凡一千九百九字以辛丑仲秋  
望日辛丑淳熙  
入季也畢工澄江耿秉直之謹書

三史拾遺卷一終

稻香吟館槧本

三史拾遺卷二

嘉定錢大昕

漢書

高帝紀

漢王以韓信爲左丞相 李廣芸曰漢初韓信爲左丞相曹參以假左丞相定魏齊以右丞相侯鄼商邊右丞相賜轂列侯後復以右丞相擊陳豨樊噲亦嘗邊左丞相皆空名不居其職故公卿表不載

漢軍方圍鍾離昧於滎陽東師古曰昧音莫葛反其字從本末之末 說文無昧字當佗昧字從目

汲古閣本佗昧

亾諸身帥閩中兵如淳曰閩音緝應劭曰音文飾之文  
古人讀文如民禹貢岷山史記夏本紀佗汶山後  
漢有汶山郡亦因岷山得名

其有意稱明德者必身勸爲之駕 文選注引漢書意  
佗懿懿稱者美稱也與明德對文則懿義爲長古文  
懿與意通書金縢噫公命馬融本噫佗懿云懿猶億  
也詩大雅抑篇國語佗懿戒小雅抑此皇父箋抑之  
言噫論語抑與之與蔡邕石經抑佗意是懿抑意噫  
四文可通用也小顏於意稱闕而不解由於未識古

音

文帝紀

丞相臣平太尉臣勃大將軍臣武服虔曰武柴武 晦  
之曰服說非也破高五王傳漢聞齊王發兵相國呂  
產等遣大將軍潁陰侯灌嬰將兵擊之嬰至滎陽留  
兵使人諭齊王及諸侯與連和灌嬰傳呂祿等以嬰  
爲大將軍嬰至滎陽乃與絳侯等謀風齊王以兵誅  
諸呂齊兵不前絳侯旣誅諸呂嬰自滎陽還與絳侯  
陳平共立文帝於是益封嬰三千戶觀文帝元季詔  
書益封戶邑者止有太尉勃丞相平將軍嬰而無名  
武之大將軍則其爲灌嬰何疑至柴武爲大將軍在

文三季因濟北王反遣武擊之事已卽罷服氏謂文  
帝卽位之初卽有大將軍柴武失之遠矣

武帝紀

元狩元季怵於邪說應劭曰狃怵也 陳氏景雲曰狃  
怵二字當乙應氏本益以怵爲怵也

元鼎五季鹵臨祖厲河而還李斐曰音嗟賴 古書厲  
與賴通祖嗟聲亦相近

太初二季膾五日 晦之曰諸家以膾爲貍膾貍膾於  
立秋時行之見後漢書劉聖公傳此膾行於二月恐  
非其義說文膾楚俗以二月祭飲食也一曰祈穀食

新曰離腹其說近之

元帝紀

元帝多材藝善史書應劭曰周宣王太史史籀所作大篆應說非也漢律太史試學童能諷書九千字以

上乃得爲史見藝文志貢禹傳武帝時盜賊起郡國擇優

巧史書者以爲右職俗皆曰何以禮義爲史書而仕

宦酷吏傳屢延季善史書所欲誅殺奏成於手中主

簿親近史不得聞知蓋史書者令史所習之書猶言

隸書也善史書者謂能識字作隸書耳豈皆盡通史

籀十五篇乎外戚傳許皇后聰慧善史書鹵域傳楚

主侍者馮婕能史書王尊傳少善史書後漢書安帝紀季十歲好學史書皇后紀鄧皇后六歲能史書梁皇后少好史書章八王傳安帝所生母左姬善史書齊武王傳北海敬王睦善史書當世以爲楷則明八王傳樂成靖王黨善史書喜正文字諸所稱善史書者無過諸王后妃嬪侍之流略知隸楷已足成名非眞精通篆籀也魏志管寧傳潁川胡昭善史書與鍾繇邯鄲淳衛顛韋誕並有尺牘之迹動見模楷則史書之卽隸書明矣

成帝紀

永始元季其罷昌陵及故陵 陳氏景雲曰及當佗反  
先是劉向諫昌陵事有還復故陵之請而次季詔言  
侍中衛尉長數白宜早止徙家反故處故處卽故陵  
也反故陵謂仍還渭城延陵

綏和元季魯成湯受命別爲三代師古曰夏殷周是爲  
三代 王者存二王之後并當代爲三漢承周周承  
殷故以殷周爲二王後并漢爲三代也若并夏爲三  
代則何不兼求夏後封之故知此文三代與它處義  
別顏說非是

平帝紀



季三歲嗣立爲王 陳氏景雲曰三歲當從外戚傳  
二歲下文云卽皇帝位季九歲中山入繼大統在嗣  
王後七載則三歲字誤無疑

諸侯王表

立二等之廢注項羽曰漢分功臣大者王小者侯也

陳氏景雲曰項羽疑項昭之誤

廣平 建平三季王漢以夷王弟紹封 陳氏景雲曰

本名廣漢表脫一字

王子侯表上

定 定侯樂嗣王莽篡位絕 侯樂絕於王莽之世不

得有謚且定爲國名豈當更以定爲謚乎定侯之定其爲衍文無疑

終弋侯廣置 衡山賜王子 陳氏景雲曰衡山賜王疑是衡山王賜之誤但賜坐謀反國除事在元狩元季若有子爲別侯雖不與逆謀亦應奪竅不應至元鼎中始以耐金免矣則衡山賜三字恐皆有誤

王子侯表下

石山 釐侯嘉嗣免 陳氏景雲曰嘉旣免竅不當有

謚釐字衍

參封侯嗣 陳氏景雲曰參封侯竅再傳始奪則嗣以

善終濼當有謚今脫去

伊鄉侯開以思王孫封 就鄉侯不害以思王孫封

陳氏景雲曰上文湖鄉侯開金鄉侯不害皆東平思王孫也與伊鄉就鄉兩侯同時受封不應其名竝同前後當有一誤

高惠高后文功臣侯表

武彊 侯青翟坐爲丞相建御史大夫陽不直自殺

陳氏景雲曰陽當佗湯謂張湯也建下疑脫治字建議劾治謂之建治見谷永傳

蒯成制侯周繇 師古曰蒯音陪又音普皆反而史記

此表索隱音崩苦懷反則字宜从艸从叔說文崩右  
扶風鄠鄉从邑崩聲沛城父有鄠鄉讀若陪卽此崩  
成之崩楚漢春秋从馮城侯陪馮聲相近則字當从  
說文从艸無疑也小司馬之音字譌爲崩耳索隱又  
云漢志關晉書地道記屬北地今晉志始平郡有鄠  
崩成縣蓋析鄠之崩鄉而置索隱以爲屬北地誤矣  
且周縹之封當在長沙不在扶風高祖功臣百四十  
七人表皆不言封邑所在獨縹父子之封於崩成則  
云長沙於鄠則云沛當必確有可據

景武昭宣元成功臣表

從平侯公孫戎奴 坐爲上黨太守發兵擊匈奴不以  
間免 陳氏景雲曰上黨乃內地非邊郡不與匈奴  
接境當從史記佗上郡

下摩 侯冠支嗣神裔三季詔居弋居山坐將家屬闌  
入惡師居免師古曰惡師地名有官所置居室 陳  
氏景雲曰惡師烏孫國中地名見常惠傳謂違詔而  
攜家擅居惡師地也烏孫雖附漢然未嘗郡縣其地  
安得有設官置室事顏注未當

重合侯莽通 與衛尉潰等謀反 晦之曰公卿表後  
元二季有守衛尉遺漬卽遺字之謫

德侯景建 坐其莽通謀反與斬 晦之曰建與遺字  
形相近疑與衛尉遺是一人

建平敬侯杜延年 鹵漢別侯至光武初尙存者五人  
建平敬侯杜延年之元孫憲建武四年以先降梁王  
夔不得代長羅壯侯常惠之曾孫翕建武四年夔亡  
後爰成靖侯趙長季之孫牧建武四年以先降梁王  
免義成侯甘延壽之曾孫相建武四年爲兵所殺歸  
德靖侯先賢揮之孫諷傳子襄孫霸至永平十四年  
始免王莽之篡宗室侯者皆廢絕獨此數侯得保其  
故封未知其審若平陽武始紅陽高昌皆先絕而紹

封故不數

延鄉節侯李諱 永始四季七月己巳封 李諱稱忠  
鍾祖訾順四人俱以捕得樊竝功封其封當同日表  
於諱書七月己巳於忠書十一月乙酉於祖於順書  
七月己酉前後失倫且七月不當在十一月之後以  
成紀破之事在永始三季十一月恐十一兩字誤合  
爲七而四季亦三季之譌

外戚恩澤侯表

建成定侯 侯賞以定陶太后不立立號諡封 陳氏  
景雲曰賞當化輔定陶太后立號事在建平元季乃

輔嗣侯後十五季也據表輔之子又名輔此必轉寫之譌當從本傳佗忠

百官公卿表上

郎掌守門戶出充車騎 班史紀傳稱郎者皆指宿衛之郎非尙書郎也以其分隸五官左右中郎將故又稱三署郎三署者五官中郎一署左中郎一署右中郎一署而統屬於光祿勳焉尙書令丞本少府屬官武帝以後遂爲樞機要地成帝始置尙書員四人而不間有尙書郎後漢初尙書郎以令史久缺補之光武以孝廉丁邯爲郎邯恥與令史伍稱疾不就職後



諸瞽卽員益多而職任益重矣

長樂建章甘泉衛尉皆掌其宮職略同不常置 長樂

宮高帝所築惠帝時呂后居之自後遂爲太后所居

之宮武帝時始見長樂衛尉竇甫程不識此官始置

於武帝初也其後官長樂衛尉者昭帝時有劉辟疆

昌邑王賀時有安樂宣帝時有許舜董忠成帝時有

史丹王宏王安壽安世哀帝時有王憚蓋昭宣以後

長樂宮常置衛尉矣建章衛尉置於宣帝元康元季

罷於元帝初元三季居其職者有丙頤金安上皆宣

帝朝臣也甘泉衛尉亦罷於初元三季而史不見置

衛尉之文此宮初於武帝未審何季始立宮衛史亦未見除甘泉衛尉者

初置尙書員五人有四丞 續志成帝初置尙書四人分爲四曹曰常侍曹二千石曹民曹客曹是建始四年初置止有四人而劉昭引漢舊儀云初置五曹有三公曹則與此表合或續志誤也續志云左右丞各一人而表云有四丞其沿革亦不可攷

侍中左右曹諸吏敝騎中常侍皆加官 自侍中而下漢世所稱中朝官也亦謂之內朝臣及高帝時盧縮爲將軍常侍中孝惠時郎侍中皆冠駿鷄貝帶傅脂

粉是漢初已有侍中武帝初嚴助朱買臣皆侍中貴  
幸用事始與閭朝政厥後衛青霍去病霍光金日磾  
皆由侍中進而權勢出宰相右矣武帝時霍光韓增  
皆爲郎遷請暫侍中宣帝時蘇武杜延季劉安民爲  
右暫張延壽爲左暫此左右暫之始宣帝時楊惲爲  
諸吏光祿勳此諸吏之始宣帝時張霸爲檄騎中郎  
將張勃劉更生爲檄騎諫大夫此檄騎之始司馬相  
如以訾爲郎事景帝爲武騎常侍則景帝時已有常  
侍武帝常與侍中常侍武騎及待詔隴鹵北地良家  
子能騎射者徵行而東方朔亦爲常侍郎然其時未

見中常侍之名至元成以後始有之元帝時有中常侍許嘉成帝時有中常侍鼂闕成帝欲以劉歆爲中常侍大將軍王鳳以爲不可乃止哀帝時有中常侍王闕宋宏等皆士人也後漢中常侍竝以宦者爲之非鹵京舊制矣

給事中亦加官所加或大夫博士議郎 武帝時終軍以謁者給事中宣帝時田延季以大司農給事中杜延季以太僕給事中魏相以御史大夫給事中元帝時蕭望之以關內侯給事中劉更生以宗正給事中成帝時辛慶忌以右將軍給事中哀帝時董賢爲大

司馬 給事中是三公別將軍九卿皆得加之不止  
大夫博士議郎也

百官公卿表下

別將軍 序止舉前後左右將軍而表所別又有大將  
軍車騎驥騎衛將軍及度遼將軍皆序所未及武帝  
時前將軍李廣後將軍躡襄右將軍趙食其左將軍  
公孫賀荀疑表皆不書者出征暫置非京師掌兵之  
職故也凡將軍加大司馬者班在丞相之次與丞相  
御史並稱三公而權任實居丞相之上武昭以後大  
將軍無不加大司馬者車騎驥騎衛將軍或加或不

加它將軍無加大司馬者矣

建元元年淮南太守灌夫爲太僕 陳氏景雲曰淮南

當從本傳似淮陽是時淮南爲王國有內史無太守也

鴻嘉三年都尉丞相司直翟方進爲京兆尹 都尉二

字衍文因上文有都尉字而誤重出目 汲古閣本都尉二字不重

古今人表

東扈氏 上中 困學紀聞引子思子曰東戶季子之時

道上鴈行而不拾遺餘糧宿諸厥首卽此東扈氏也

大欵 上中 顓頊師 大欵事未詳

柏夷亮父

上中

顓頊師

呂氏春秋尊師篇有伯夷父

舟人

上中

梁氏玉繩曰見鄭語國名彭祖之別

許繇

巢父

子州支父

上中

子州支父后戶之農

北人無擇三人皆見莊子讓王篇表以子州支父爲許繇巢父別弟二等后戶之農二人別弟三等似爲乖互破卞隨務光亦在弟三等則巢許子州支父必在弟三等也

癸

下中

癸末嬉千莘雅侈四人元本當在弟九等與

商辛妲己費仲輩竝別以序例求之可知韋鼓昆吾亦當與葛伯同等刊本誤移其次目

伊陟 臣扈 上下

書君奭篇叙殷賢臣伊陟臣扈在

巫咸之上表以巫咸別弟二等則伊陟臣扈亦必在弟二弟矣竊謂伊陟臣扈巫咸皆當在上中轉寫入弟三等非班氏意也疏中疏叔亦當在弟二等大顛之前今錯入弟三等皆非班表之舊

微中 中上

梁氏玉繩曰表於弟五等云宋微中啟子

此必因孟子敍膠鬲而連及之耳

邢侯 中上

梁氏玉繩曰邢侯卽鄂侯因諫紂殺鬼侯

并醢之史記魯仲連傳徐廣注鄂一佗邢

祭公 上中

梁氏玉繩曰祭爲周公子與凡蔣邢茅竝



封侯已見後文此別祭公於文王之世未詳或云卽  
十亂之榮公也

右史戎父

中上

逸周書左史戎父他記在穆王時表

別於成王之世未詳

邗叔

中上

武王子邗侯已見上文此未詳翟氏灝以

左傳陶叔當之亦未有據

商子

中上

見說苑建本篇

鉛陵卓子

中下

廣韻云呂氏春秋有鉛陵卓子今檢

呂書無之 梁氏玉繩曰韓子外儲說右有延陵卓

子鉛延同音

伯熙

中上

師古曰穆王太僕也

熙當佗彘古四字

楚擊紅

中下

渠子

上文不見熊渠名梁氏玉繩據釋

史校改云楚熊渠錫子

魯衛公

下下

衛當佗魏陳詩庭曰諸本多佗魏

齊武公

下中

厲公子

厲當佗獻

史伯

中中

弟四等有史伯在伯陽父師服之間乃國

語之史伯此史伯未詳張氏雲璈曰

錢塘人

當是公伯

之譌秦本紀秦侯生公伯伯生秦仲表無公伯而於

秦中注云伯子是其證也

嘉父

中上

卽詩家父也

叔術

下中

邾顏夏父叔術盱四人事見公羊傳叔術

之讓國雖未合於正較之邾顏則彼善於此矣表以邾顏夏父別弟七等叔術盱別弟八等疑轉寫之譌

文子

中中

藝文志道家有文子九篇注老子弟子與

孔子同時而稱周平王問似依託者據表別於辛有之前則仍以爲周平王時人也

宋大金

中中

家語佗木金父

臧釐伯

石磻

中中

臧釐伯當與哀伯同在第四等

石磻亦當在第四等刊本誤下一格

司空牛父

下上

左傳佗司寇牛父

公子穀生

下上

左傳生佗甥

楚瑕邱

下上

疑卽楚屈瑕也

楚保申

中上

見說苑正諫篇

謝邱章

中中

未詳廣韻周宣王支子食采於謝邱其

後爲氏

左公子泄

中下

卽左傳左公子洩也陳洩台表亦佗

泄蓋古本左傳如此唐石經避諱改爲洩相沿到今  
耳泄與右公子職同立黔牟表以泄別第六等職別  
弟七等似亦轉寫溷其次

辛甲

中中

卽左傳辛伯

潘和

中下

未詳

王青二友

中上

未詳

鮒里乙

下中

家語始誅篇太公誅華士管仲誅付乙

付乙卽鮒里乙也荀子宥坐篇佗付里乙說苑貴德

篇佗符里

公孫隱

中下

卽左傳公子偃也李虞芸曰隱偃替相

近徐偃王此表亦佗徐隱王

顓孫

中下

卽左傳顓孫也

鄭子嬰齊

下中

子亶子

疑卽鄭子儀也與子亶爲昆

弟非其子又按表例人君被弑及弑君之賊皆在弟

九等此葉宋愍公南宮萬子游猛獲南宮牛鄭子嬰  
齊傅瑕在弟八等下文魯閔公笑齊卓子在弟七等  
皆刊本誤移其次目

麥邱人

中上

齊桓公所遇者見新序雜事篇韓詩外

傳十

平陵老

中上

齊桓公時人見說苑貴德篇

愚公

中上

齊桓公時人見說苑政理篇

公孫素

下上

卽詩序公子素也

衛宏

上下

懿公臣見呂氏春秋忠廉篇淮南繆

稱訓

臣猛足

中下

晉太子申生臣見國語

弁伯

中下

表以百里奚別弟三等弁伯別弟六等或

謂弁伯卽百里奚者非也

禽息

王廖

中上

二人皆秦繆公臣見韓詩外傳

陽處父

上下

劉知幾所見本在弟四此在弟三蓋刊

本之誤竊意甯胤與駢鄭弦高三人皆不當在此等

後人牽連誤升一格耳

齊君舍

中下

舍被弑之君不當在弟六等

鄭子良

中中

左傳子良卽公子弃疾也表以弃疾別

四等子良別五等似重出或云鄭當佗楚楚司馬子

良令尹子文之弟

鬬伯比

中上

伯比再見前別弟五等此別弟四等當

因此處有令尹子文注云鬬伯比子注既譌爲正文而刪子字又意伯比不當在弟三等而移下一格耳然子文亦不當在楚莊王時此則孟堅雜采它書之失也

荀尹

中中

梁氏玉繩曰此是荀庚轉寫字脫其半耳

少師慶

下上

楚莊王臣見說苑至公篇

陳應

中上

未詳

羊舌

中上

此人介於程嬰公孫杵臼之間當亦晉人



然史記諸書皆不見其名

羊魚

中下

疑卽左傳夷羊五也

向于

中下

未詳攷是時宋有向爲人向帶亦當與魚

石同在第八等表蓋別一人

叔山舟

中上

左傳舟佗冉李麇芸曰冉舟字形相涉

而譌

鄭唐

中上

當卽左傳鄭唐苟死於鄢陵之役者表脫

苟字

鹵鉏吾

下下

鉏吾事見左傳似不應劉末等

衛殤公殲

下上

殤公被弑之君不當別第七等李麇

芸曰據春秋殤公名剽此他焱同聲相借字从三犬  
譌从三火他焱非焱字以贍切

晉邢蒯

中上

說苑五節篇有邢蒯事蓋卽其人

楚令尹子南

觀起

中下

按屈建在第七等而子南

與觀起乃在第六等亦必有誤

晉陽罕

中巾

梁氏玉繩曰罕乃畢之誤陽畢事見國

語

陳不占

中上

齊莊公臣文選注引韓詩外傳言其事

今外傳無之

臧文仲

上下

此列於卞嚴子之後必武仲也論語稱

武仲智哉在智人之列後人嫌其與君改爲文仲又嫌重複并去前文仲名此理之想當然者

晉船人固來

中下

師古曰卽固來也

來當爲桑字之

譌新序雜事本佗固桑說苑尊賢篇佗古桑與師古

注同

古卽固字

桑與桑字形相涉而譌也韓詩外傳佗益

胥文選注引佗益胥益皆讀古合切與固聲相近

桑胥亦聲相近也韓詩外傳以爲晉平公時人說苑

以爲趙簡子時表剝於亥唐醫和之後蓋據韓詩

舟人清涓

中下

亦晉人見尸子

吳餘昧

下下

卽夷昧也左傳稱其甚德而度且係命

終之君何以剗入末等

周史大弼

中下

大弼當佗六弼藝文志儒家有周史

六弼六篇或曰孔子問焉梁氏玉繩曰莊子則陽篇有太史大弼

蜎子

中下

老子弟子藝文志道家有蜎子十三篇

孝成子

中下

孝當佗老藝文志道家有老成子十八

篇

柏常騫

中下

齊人見晏子春秋

燕子干

中下

梁氏玉繩曰燕士混子午見晏子春秋

疑午譌爲干也

林旣

中中

齊景公時人見說苑善說篇

隱成子

中上

此人在子石琴牢之間疑是孔子弟子

史記家語皆無之

北郭騷

中中

齊人見晏子春秋及說苑復恩篇

逢於何

中中

見晏子春秋

司馬篤

中下

即左傳司馬烏也非楚之司馬督

公子闔

中上

即楚公子闔

王孫章

中下

此與員公辛竝劉當是楚之王孫賈也

見左氏定五季傳

雍渠

下下

黎且子

雍渠嬖臣以不應著其世系黎且

子蓋別是一人卽齊之犁鉏也此正文而誤入注者  
王良伯樂與郵無邨一人而竝列此注而誤入正文  
者

莫敖大心

蒙穀

中中

皆楚昭王臣見戰國策

東野畢

中下

見荀子哀公篇新序雜事五韓詩外傳

許幼

下中

未閻班孟堅鹵都賦許少施巧秦成力折

許少豈卽許幼乎

周舍

中下

趙簡子臣見趙世家韓詩外傳

田果

中下

尸子齊有田果命其狗曰富命其子曰樂

見藝文類聚廿九  
御覽七百廿五

行人燭過

中下

趙簡子臣見說苑臣術篇

陽城胥渠

中中

趙簡子時人見呂氏春秋愛士篇

田饒

中中

燕相韓詩外傳載其去魯適燕事

仇汜

中中

魯之恭士也說苑敬慎篇佗机汜

楚芋尹文

中中

見新序義勇篇

田恆

下中

恆弑君之賊當列第九等

隰斯彌

中中

見韓子說林篇

屈固

中下

見楚世家伍子胥劍傳卽左傳之遠固

大陸子方

中中

卽東郭賈也見左傳

申鳴

下上

楚昭王臣見韓詩外傳十說苑立節篇

嚴善

中中

卽莊善也見新序義勇篇韓詩外傳他莊

之善

顏匹父

毛本匹  
他匹

顏險倫

顏夷

中下

三人皆善御

者見韓詩外傳二但彼文匹父他燕父險倫單名淪  
百李廞芸曰匹燕古通用當从毛本他匹者匹字之  
譌

衛簡公蒯聵

下中

前已有蒯聵在第九等此重出也

據左傳蒯聵諡莊公與此亦不合

石國

下下

國當他圃見左傳

師已

中上

前有魯師已在第五等此與賈牟賈並別



則是樂記之師乙也

鄭戴勝之

中中

未詳

公之魚

下上

梁氏玉繩曰見史記孔子世家

南郭惠子

中中

見荀子法行篇墨子非儒篇

姑布子卿

中中

善相人者見史記趙世家韓詩外傳

九

術視夷

中上

師古曰卽式夷也見呂氏春秋 梁氏玉

繩曰按呂氏春秋惟長利篇有戎夷未見式夷事古  
式字叶音試大雅不義從式可證與視音近相借今  
本呂覽佗戎譌也戎夷違齊如魯天寒而死注云齊

之仁人則此衛字亦誤

采桑羽

上下

梁氏履繩曰羽疑女之譌采桑女見別

女傳陳辨女篇

史畱

中上

未詳

青莽子

中上

豫讓之友也見呂氏春秋序意篇

陳太宰喜

中中

卽檀弓陳太宰嚭

石讐

上下

見說苑敬慎篇

子服子

上下

未詳或疑是子服回以世系言之又不

當在子服景伯之後蓋別是一人也大昕案藝文志  
雜家有子晚子三十五篇齊人好議兵與司馬法相

似晚與服聲亦相近蓋卽其人或云魯繆公臣有子  
服厲伯見論衡非韓篇

知過

中上

師古曰卽知果

國語佗果戰國策佗過

惠子

上下

梁氏玉繩曰卽司寇惠子見檀弓下

公房皮

上下

梁氏玉繩曰御覽八百廿八引尸子有

公斂皮疑卽此人或云卽禮記公罔之裘罔房音相  
近裘卽皮也大昕案表無序點計其季代亦不當戰  
國時或說非是

田襄子

中下

悼子子

案世家襄子卽田常之子常謚

成不謚悼也襄子之子爲莊子其子爲田和表又脫

莊子一代

高赫

中中

趙襄子臣見韓非子淮南人問訓

原過

中中

趙襄子臣見史記趙世家

魯悼公

中下

出公子 出當佗哀

任章

中中

魏桓子臣見戰國策

我子 田佗子

隨巢子

胡非子

中上

四人皆墨

家見藝文志

公季成

中中

魏文侯母弟見新序

司馬庾

中中

見淮南修務訓注云秦大夫或佗唐

司馬喜

中中

中山相戰國策佗司馬喜

太史屠黍

上下

見呂氏春秋說苑權謀篇佗屠餘

躬吾君

中上

當是番吾君也見史記趙世家

司馬期

中中

疑卽司馬子期說楚伐中山者

牛畜

荀訢

徐越

中上

三人皆趙臣見史記趙世

家

趙公仲達

中中

趙世家佗公仲連爲趙烈侯相

趙倉堂

上下

卽倉唐也

屈侯鮒

上下

魏臣見史記魏世家

孫子

中中

藝文志道家有孫子十六篇六國時人非

兵家之兩孫子也

南宮邊

中中

魯穆公時人說苑至公篇佗南宮邊子

陽成君

中中

梁氏玉繩曰荊陽成君見呂覽上德篇

孟勝

徐弱中上

二人皆見呂覽上德篇孟勝爲荊

之陽成君而歿其弟子徐弱亦歿

大監突

中中

秦大夫見呂氏春秋當賞篇

徐子

中中

戰國策所謂外黃徐子也說魏太子申勿

戰者藝文志儒家有徐子四十二篇

大成午

中中

史記趙世家佗大戊午

戰國策亦佗成

甘龍

杜摯中中

皆秦臣見史記商君傳

子桑子

中中

未知何人若論語之子桑伯子

卽莊子之子桑

唐  
似時代不當在此

被雍

中中

未詳

鄭敖子萼

中上

見戰國策

沈尹萼

中中

見呂氏春秋去宥篇荆威王學於萼

魯康公

下上

注脫共公子三字

史舉

中上

史記甘茂事下蔡史舉先生卽其人也

馮赫

中中

戰國策有馮赫說楚王事疑卽其人

閻丘光

中上

卽閻丘先生也齊宣王時人見說苑善

說篇

昆辯

中中

師古曰呂覽佗劇貌辯

昆當佗自古貌字

呂覽佗劇貌辯劇乃劑之譌戰國策劑佗齊

唐尚

下上

梁氏玉繩曰見呂氏春秋士容篇

閔丘印

中上

齊宣王時人見新序

韓宣王

中下

卽宣惠王也

尹文子

中上

藝文志名家有尹文子一篇說齊宣王

番君

中上

未詳

唐易子

中上

梁氏玉繩曰見韓子外儲篇一云田子

方問弋於唐易鞠一云齊宣王問弋於唐易子疑唐

易是氏先後兩人

如目

中上

見戰國策史記魏世家



燕王噲

下上

燕王噲子之楚懷王靳尚四人當在弟九等與夫人鄭袖同列上官大夫之在弟五等令尹子椒子蘭之在弟六等亦必誤也蓋因升屈原於弟二等并前後附近諸人俱誤移上二格耳

周赧王延

中下

周自思王以後七傳皆在弟八等不

應赧王轉列弟六等故知此葉大率誤超二格

屈原

上中

屈原之義高矣然孟堅嘗譏其露才揚己必不躋之大賢之列此後人妄以意進之耳

馬犯

中下

周臣見史記周本紀

周景

中下

當佗周景亦見周本紀

昭庭

上下

梁氏玉繩曰疑卽楚懷王之良臣昭過也

占尹

中上

當是楚辭之太卜鄭詹尹也

宋遺

中中

楚懷王時勇士見史記楚世家

應豎

中上

未詳

渙父

上中

父之諷屈原猶長沮溺丈人何實之

諷孔子論其人品當與沮溺輩同等後人進屈原并  
渙父亦入之第二等尤非孟堅之旨竊意屈原渙父  
二人元本必在陳軫之後占尹之前

上官大夫

中中

梁氏玉繩曰新序節士篇以上官大

夫卽靳尚王逸離騷序仍之但戰國策言尙爲張旄

所殺在懷王世而上官大夫爲令尹子蘭所使短屈  
平於頃襄王當別是一人故表別上官大夫五等靳  
尚七等唐宰相世系表謂王子蘭爲上官大夫不足  
信

秦武王

中上

秦孝公惠王昭襄王皆在第六等武王

有何功德而超居第四等乎秦武王任鄙烏獲皆宜  
與孟說同等

軋子

煦子

中中

此二人未詳竊意當卽治春秋之

夾氏鄒氏也軋與夾音相近鄒與煦聲亦不遠

無卽  
聚字

沈子

北宮子

魯子

公扈子

中中

四人皆傳春

秋者見公羊傳

戚子

中下

未詳

相牟子

中下

相牟子受詩於孟仲子傳孫卿見經典

釋文案高子仲梁子皆傳詩者而在弟四等沈子蓋傳春秋而在弟五等相牟子何以獨列弟六亦必刊本之竊

田不禮

代君章

下中

二人見趙世家

嚴周

中下

莊別皆老氏之徒別子在弟五等而抑莊

子於弟六等非其倫也竊意申子慎子嚴周惠施公孫龍諸人之在弟六等必刊本之譌非孟堅意

狐爰

中下師

古曰卽狐咥也見戰國策

呂氏春秋貴

直篇化狐援

王歎

中上

卽齊人王蠋也說苑立節篇亦化歎

蘇不釋

中中

未詳梁氏玉繩曰疑卽蔡澤古文澤與

釋通蔡字譌爲蘇不兩字

葉陽君

中中

卽穰侯弟華陽君也徐廣曰華一化葉

涇陽君

中中

秦昭王同母見史記穰侯傳

安陸君

中中

陸當佗陵安陸君縮高唐雖事俱見戰

國策

廉頗

上下

藺相如在第五等廉頗何以得列弟三世

因相如升入弟二并廉頗亦妄進之

陳筮

中下

韓釐王時人見史記韓世家

雍門周

中

見說苑善說篇

燕武成王

上下

惠王子

梁氏玉繩曰表例燕以世數

此似脫四十一世四字

魯仲連

藺相如

上中

此二人本在弟五等後人因

張晏之言妄進之蓋班氏元本列弟二等者戰國時  
但有子思孟子孫卿三人餘俱後人竄入

韓王安

趙王遷

下中

六國見滅書法宜一例楚燕

魏齊之君皆在弟九等則韓趙不應獨殊且王安之

父桓惠王王遷之父悼襄王尙在後葉何以二王躡  
居其前此皆刊本錯誤之顯然者

魯頃公

下上

頃公失國之君不當別弟七等

朱英

上下

當與毛遂同等誤超一格

王翦

上下

當與蒙恬同等誤超一格

韓桓惠王

中下

釐王子 表缺釐王一代益轉寫脫去

劇辛

下中

劇辛與樂毅鄒衍同入燕在賢士之數晚

節將兵爲趙將龐煖所殺遂與栗腹竝別弟八等

燕將渠

中上

燕相見史記燕世家

樂燕

中上

疑卽樂毅之子樂閒也

秦二世胡亥

下中

二世當在第九等誤超一格

孔襄

上下

當與孔鮒同等誤超二格